

**ხელშეკრულება სახელმწიფო შესყიდვის შესახებ № 108/19  
დაფინანსების წყარო: სააგენტოს საკუთარი შემოსავლები**

ქ. თბილისი

11 ივლისი, 2019 წელი

**ხელშეკრულების დამდები მხარეები:**

ერთის მხრივ, სსიპ „დაცული ტერიტორიების სააგენტო“, წარმოდგენილი მისი თავმჯდომარის მოადგილის გიორგი დოლიძის სახით (შემდგომში „შემსყიდველი“) იურიდიული მისამართი ქ. თბილისი, გულუას ქუჩა №6, ს/კ # 204911337, ტელ. 2752352, სახელმწიფო ხაზინა, კოდი # TRESGE22, ა/ა # GE24NB0330100200165022

(ორგანიზაციის დასახელება, იურიდიული მისამართი და საბანკო რევიზიტები)

მეორეს მხრივ, **შპს „თეგი“**, წარმოდგენილი მისი დირექტორის სალომე კვარაცხელიას სახით, (შემდგომში „მიმწოდებელი“) იურიდიული მისამართი: ქ. თბილისი, წერეთლის გამზ. # 67, ს/კ: 402017526, სს "თიბისი ბანკი", კოდი# TBCBGE22, ა/ა # GE38TB7119536020100002

(ორგანიზაციის დასახელება, იურიდიული მისამართი და საბანკო რევიზიტები)

**1. ხელშეკრულების საგანი და ღირებულება**

1.1 ხელშეკრულების საგანია ბრენდირებული პოლოს მაისურების (CPV18333000 - პოლოს მაისურები) (შემდგომში „საქონელი“) სახელმწიფო შესყიდვა, წინამდებარე ხელშეკრულებით გათვალისწინებული პირობების შესაბამისად, გამარტივებული შესყიდვის საშუალებით, „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 #13 ბრძანების მე-2 მუხლის „ა“ ქვეპუნქტის საფუძველზე;

1.2 შესყიდვა ხორციელდება სსიპ „დაცული ტერიტორიების სააგენტოს“ ადმინისტრაციების საჭიროებისათვის (საფუძველი: 2019 წლის 9 ივლისის N7226 მოხსენებითი ბარათი).

1.3 შესყიდვის ობიექტის საერთო ღირებულება შეადგენს **4900.00** (ოთხი ათას ცხრაასი) ლარს ხელშეკრულებით გათვალისწინებული თანმდევი ხარჯებისა და კანონმდებლობით გათვალისწინებული გადასახადების ჩათვლით (დღგ-ს გათვალისწინებით).

**2. შესყიდვის ობიექტის ტექნიკური დავალება**

**2.1 შესყიდვის ობიექტია:**

Nº	დასახელება	ტექნიკური მახასიათებლები	რაოდენობა (ცალი)	ერთეულის ფასი (ლარი)	საერთო ღირებულება (ლარი)
1	ბრენდირებული პოლოს მაისურები	<p>მაღალი ხარისხის პოლო მაისური იასამნისფერი (100 ცალი) და მაღალი ხარისხის პოლო მაისური ლურჯი (100 ცალი) ფერის, მასალა 100% კოტონი, 210გრ გსმ. მაღალი ხარისხით გვირისტით დამუშავებული ნაკერები, ყელზე მანქეტით, 3 ღილით, მკლავის და მაისურის ბოლოების დამუშავება შემოკერვით.</p> <p>ბრენდირება ლურჯ მაისურზე:</p> <ul style="list-style-type: none"> <li>- წინა მხარე: თერმული, სრულფეროვანი.</li> <li>- უკანა მხარე: ერთ ფერიანი შოლკოგრაფიით.</li> </ul> <p>ბრენდირება იასამნისფერ მაისურზე:</p> <ul style="list-style-type: none"> <li>- წინა მხარე: ერთ ფერიანი შოლკოგრაფიით.</li> <li>- უკანა მხარე: ერთ ფერიანი შოლკოგრაფიით.</li> </ul>	200	24.50	4900.00

2.2 შესყიდვის ობიექტის განაწილება ზომებისა და ფერების მიხედვით მოცემულია დანართი N1-ში, რომელიც თან ერთვის ხელშეკრულებას და წარმოადგენს მის განუყოფელ ნაწილს;

2.3 შესყიდვის ობიექტის ფერი და ზომები უნდა შეთანხმდეს შემსყიდველთან;

2.4 მაისურების დიზაინის და დასაბეჭდი მასალის ელექტრონულ ვერსიას შემსყიდველი გადასცემს მიმწოდებელს ხელშეკრულების გაფორმებისას.

### **3. საქონლის მიწოდების პირობები**

- 3.1. საქონლის მიწოდება უნდა განხორციელდეს ხელშეკრულების გაფორმებიდან 15 კალენდარული დღის ვადაში;
- 3.2 საქონლის მიწოდების ადგილია: ქ. თბილისი გ. გულუას ქ. N6, მე-5 სართული (სსიპ დაცული ტერიტორიების სააგენტო);
- 3.3. მიწოდებული საქონელი უნდა იყოს ნივთობრივად და უფლებრივად უნაკლო.

### **4. ხელშეკრულების შესრულების ინსპექტირება**

- 4.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს ინსპექტირებას.
- 4.2. ხელშეკრულების მიმდინარეობის ინსპექტირების მიზანს წარმოადგენს:
- 4.2.1. საქონლის მიწოდების ვადების ხელშეკრულების მოთხოვნებთან შესაბამისობის დადგენა;
- 4.2.2. მიწოდებული საქონლის ხელშეკრულების მოთხოვნებთან შესაბამისობის დადგენა.
- 4.3. ხელშეკრულების შესრულების ინსპექტირებას ახორციელებს სსიპ „დაცული ტერიტორიების სააგენტო“-ს მარკეტინგისა და საზოგადოებასთან ურთიერთობის სამსახურის თანამშრომელი;

### **5. შესყიდვის ობიექტის მიღება-ჩაბარების წესი**

- 5.1. შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად მიწოდებული საქონლის შესაბამისად;

5.2. იმ შემთხვევაში, თუ მიწოდებული საქონელი შეესაბამება ხელშეკრულებით გათვალისწინებულ მოთხოვნებს, ხელშეკრულებით განსაზღვრული პირი, მიღება-ჩაბარების აქტის საფუძველზე, ახორციელებს მიწოდებული საქონლის მიღებას, ხოლო თუ საქონლის მიწოდების პროცესში გამოვლინდება, რომ საქონელი არ აკმაყოფილებს ხელშეკრულებით გათვალისწინებულ მოთხოვნებს, შემსყიდველს უფლება აქვს არ მიიღოს ნაკლოვნი საქონელი და დაუბრუნოს იგი მიმწოდებელს მიმწოდებლის ხარჯით;

5.3 ხელშეკრულებით გათვლისწინებული მიღება-ჩაბარების აქტის გაფორმებაზე უფლებამოსილ პირს წარმოადგენს ს.ს.ი.პ „დაცული ტერიტორიების სააგენტო“-ს მარკეტინგისა და საზოგადოებასთან ურთიერთობის სამსახურის უფროსი ნიკო თევდორაშვილი.

### **6. ანგარიშსწორება**

6.1. ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით, მიმწოდებლის მიერ ფაქტობრივად მიწოდებული საქონლის ღირებულების შესაბამისად.

6.2. ანგარიშსწორება განხორციელდება მიმწოდებლის საბანკო რეკვიზიტებზე.

6.3. ანგარიშსწორება მიმწოდებელთან განხორციელდება ხელშეკრულების პირობების შესაბამისად გაფორმებული მიღება-ჩაბარების აქტის და ანგარიშსწორებისათვის საჭირო შესაბამისი ფინანსური დოკუმენტების საფუძველზე, არაუგვიანეს 10 (ათი) სამუშაო დღისა.

### **7. მხარეთა ვალდებულებები**

7.1. „მიმწოდებელი“ ვალდებულია:

- 7.1.1. მიაწოდოს „შემსყიდველს“ უფლებრივად და ნივთობრივად უნაკლო საქონელი;
- 7.1.2. „შემსყიდველს“ მიაწოდოს საქონელი ხელშეკრულების პირობების შესაბამისად და უზრუნველყოს თანმხელები დოკუმენტაციის წარდგენა;

7.1.3. უზრუნველყოს ნაკლოვნი საქონლის შეცვლა დაუყოვნებლივ;

7.1.4. კეთილსინდისიერად და მაღალპროფესიონალურ დონეზე შესარულოს ნაკისრი ვალდებულება;

7.1.5. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2. „შემსყიდველი“ ვალდებულია:

7.2.1. უზრუნველყოს „მიმწოდებლის“ დროული და სრული დაფინანსება;

7.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2.3. დაიცვას ხელშეკრულებით გათვალისწინებული ყველა პირობა.

### **8. მხარეთა უფლება**

8.1. „მიმწოდებელს“ უფლება აქვს:

8.1.1. ხელშეკრულების ფარგლებში მოითხოვოს დროული და სრული დაფინანსება.

8.2. „შემსყიდველს“ უფლება აქვს:

8.2.1. აწარმოოს მიწოდებული პროდუქციის ხარისხისა და რაოდენობის კონტროლი;

8.2.2. განაცხადოს უარი უხარისხო საქონლის მიღებაზე.

#### 9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა, ან დარღვევა და არ გამოიწვევს საჯარიმო სანქციების გამოყენებას;

9.2. ამ მუხლის მიზნებისათვის „ფორს-მაჟორი“ ნიშანას მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგურების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდება მხარემ, რომლისათვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისადა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

#### 10. ხელშეკრულების პირობების და ფასების გადასინჯვა

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

#### 11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

#### 12. ხელშეკრულების შესრულების შეფერხება

12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. შეტყობინების მიმდება მხარემ 10 (ათი) დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

#### 13. ხელშეკრულების პირობების შეუსრულებლობა

13.1. ხელშეკრულების პირობების არაჯეროვანი შესრულებისათვის (მათ შორის, ვალდებულების

შესრულების ვადაგადაცილების დროს), მიმწოდებელს დაეკისრება პირსაგამტეხლო შესასრულებელი ვალდებულების შესაბამისი ღირებულების 0,02%-ის ოდენობით ყოველ ვადაგადაცილებულ დღეზე.

13.2 ხელშეკრულების პირობების შეუსრულებლობისათვის მიმწოდებელს დაეკისრება პირგასამტეხლო ხელშეკრულების საერთო ღირებულების 10%-ის ოდენობით;

13.3 ხელშეკრულების ნაწილობრივ შესრულების შემთხვევაში, მიმწოდებელს დაეკისრება პირგასამტეხლო შესასრულებელი (დარჩენილი) ვალდებულების შესაბამისი ღირებულების 5%-ის ოდენობით.

#### 14. ხელშეკრულების შეწყვეტა

14.1. ხელშეკრულება შეიძლება შეწყვეტილ იქნეს:

14.1.1. მხარეთა შეთანხმებით;

14.1.2. მიმწოდებლის მიერ 10 (ათი) კალენდარული დღის განმავლობაში ხელშეკრულებით ნაკისრი ვალდებულებების შეუსრულებლობისათვის;

14.1.4. საქართველოს მოქმედი კანონმდებლობით გათვალისწინებულ სხვა შემთხვევებში.

#### 15. ხელშეკრულების მოქმედების ვადა

15.1. ხელშეკრულება ძალაში შედის მხარეთა მიერ მისი ხელმოწერის თარიღიდან და ძალაშია 2020 წლის 31 იანვრამდე, მხარეთა მიერ ხელშეკრულებით ნაკისრი ვალდებულებების სრულ და ჯეროვან შესრულებამდე.

#### 16. ინტერესთა კონფლიქტი

16.1 “სახელმწიფო შესყიდვების შესახებ” საქართველოს კანონის მე-8 მუხლის თანახმად, შემსყიდველის მხრიდან ხელშეკრულებაზე ხელმომწერი პირი, აგრეთვე ვიზების დამდები პირები, ამავდროულად ვადასტურებთ, რომ არ ვიმყოფებით ინტერესტა კონფლიქტში აღნიშნულ მიმწოდებელთან.

#### 17. განსაკუთრებული პირობები

17.1. არცერთ მხარეს არ აქვს უფლება გადასცეს მესამე მხარეს თავისი უფლებები და მოვალეობები, მეორე მხარის წერილობითი თანხმობის გარეშე;

„შემსყიდველი“

„მიმწოდებელი“

სსიპ „დაცული ტერიტორიების სააგენტო“

შპს „თეგი“

გიორგი დოლიძე  
თავმჯდომარის მოადგილე

სალომე კვარაცხელია  
დირექტორი

ზომა	სქესი	რაოდენობა სულ	ფერი	რაოდენობა	ფერი	რაოდენობა
S	მდედრობითი	30	მწვანე	15	ლურჯი	15
M	მდედრობითი	50	მწვანე	25	ლურჯი	25
L	მდედრობითი	10	მწვანე	5	ლურჯი	5
XL	მდედრობითი	10	მწვანე	5	ლურჯი	5

ზომა	სქესი	რაოდენობა სულ	ფერი	რაოდენობა	ფერი	რაოდენობა
S	მამრობითი	10	მწვანე	5	ლურჯი	5
M	მამრობითი	10	მწვანე	5	ლურჯი	5
L	მამრობითი	50	მწვანე	25	ლურჯი	25
XL	მამრობითი	30	მწვანე	15	ლურჯი	15

„შემსყიდველი“

„მიმწოდებელი“

სსიპ „დაცული ტერიტორიების სააგენტო“

შპს „თეგი“

გიორგი დოლიძე  
თავმჯდომარის მოადგილუ

სალომე კვარაცხელია  
დირექტორი